



Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 39. Variæ S. Congregationum decisiones.

[urn:nbn:de:hbz:466:1-67326](#)

Sæc. XVII. casibus de suarum Ecclesiarum regimi-
A.C. 1619. ne & difficultatibus emergentibus con-
 ferant. Præterea sub Pauli V. Ponti-
 ficatu Synodum quoque suam celebra-
 runt Rutheni ritus Græci, Præside Hi-
 patio Pocieo Metropolita Kiovensi, qui
 a Schismate ad Ecclesiæ Catholicæ si-
 num reversus est.

§. XXXIX.

Variæ S. Congregationum de- cisions.

**Constit. Et
decis. S. Con-
greg. Rit.
& Episc.
Et c.** Propositis quandoque dubiis, aut va-
 riis abusibus subinde irrepentibus
 summi Pontificis mandato Sacræ Con-
 gregations varias promulgarunt Con-
 stitutiones & decreta, & quidem die
 vigesima quinta Januarii sacra Rituum
 Congregatio decidit, quod Canonici,
 qui ab Episcopo ad audiendas confes-
 siones in Ecclesia Collegiata non cu-
 rata Deputati fuerint, si ea de causa
 absint a Choro non lucentur distri-
 butiones, insuper die duodecima Mar-
 tii Sacra Episcoporum & Regularium
 Congregatio declaravit, quod facultas
 excipiendarum Confessionum Regula-
 ribus ad beneplacitum per Ordinarios
 concessa, quandocunque possit revoca-
 ri, excommunicatus autem, et si offen-
 sæ parti prius satisfacere nequeat, nec
 pax

pax redditia, resque in integrum resti- Sæc. XVII.
tuta, si tamen satisfacere paratus est, A.C. 1619.
vultque præstare cautionem idoneam
per pignora vel fidei jussores vel saltem
per juramentum, absolvendus sit, li-
cet pars offensa nolit acceptare satisfa-
ctionem. Exortis etiam controversiis
circa præcedendi jus Sacra Rituum
Congregatio die vigesima tertia Maij
statuit, quod Regulares ceteri, qui sub
propria Cruce & in proprio loco ince-
debant, priusquam Capuccinis pro-
priam Crucem deferre datum fuerit,
hos præcedant, sic & Collegiata Paro-
chialem, quæ si forte Matricem præ-
cedat, non tamen ea prius campanas
in Sabbato Sancto pulset. Decisum
quoque die secunda Maij, quod dedi-
catio Ecclesiæ Cathedralis in Civitate
cum octava, in Diœcesi vero sine ea
celebranda sit. Censuit quoque eadem
Congregatio, quod Vicarius Generalis
absente Episcopo habeat primum locum
super omnes dignitates, & Canonicos,
non obstante consuetudine: Canonici
vero Cathedrales præcedant Canonici
nos Collegiatæ in propria etiam eorum
Ecclesia: Prior tamen Collegiatæ, si
intersit in Cathedrali, thurificandus sit
duplici ductu, sicut dignitates, & Ca-
nonici, quos tamen non præcedit: ab-
sente autem Episcopo, spectet ad Vi-
carium

Sæc. XVII. carium Generalem edicere, & dirigere
A.C. 1619. supplicationes cum consilio Capituli,
non obstante, quod Capitulum, vel
alii sint quasi in possessione per lon-
gum tempus, vel immemorabilem con-
fuetudinem. Pariter die decima quarta
Junii declaratum, quod incertorum re-
stitutio non debeat esse casus reservata-
tus, si que adesset statutum decernens,
quod non solventes Decimas, excom-
municati sint, non ligaret, nisi solvere
valentes, & si excommunicatus appelle-
ret, Metropolita appellationem non
debeat admittere *in suspensivo*, quia
Excommunicatio hominis trahit secum
executionem. Die autem vigesima Ju-
lii Sacra Congregatio Concilii &c. de-
cidit, quod confessiones fæcularium e-
tiam Sacerdotum audire non possint Je-
suitæ, nisi ab Episcopo per examen,
si ibi videbitur necessarium, approba-
tionem obtinueriut: Præterea Paulus V.
Pontifex die octava Septembris in Su-
periores Paulanos excommunicationis
pœnam comminatus est, si suis subditis
dignitates ad preces aliorum extra Or-
dinem existentium conferant, aut ipsi
met subditi his mediis sibi favores pro-
curent. Denique die vigesima tertia
Novembris a Sacra Concilii Congrega-
tione declaratum, quod Regulares in
Sab-

Sabbato Sancto Laicorum Domos be- Sæc XVII.
nedicere non valeant. A. C. 1619.

§. XL.

*Weigelii, Jacobi Böhmii & Cotteri
deliria.*

Cum interea summus Pontifex cete- *Arnold. Hist.*
rique Præfules Ecclesiam ab omni *Hæret.*
corruptela purgare, ac disciplinam sa- *part. I.*
lutaribus decretis restaurare intenti es- *l. 17. c. 17.*
sent, Protestantes Ministelli econtra Ec- *Jæger Hist.*
clesiam suam novis sectis & erroribus *Eccl. l. 2.*
deturpabant, ac fideles variis, impiis- *c. 10. & l. 6.*
que deliriis decipiebant: Hos inter fa- *cap. 7.*
naticos facile principem locum sibi ven- *Hist. Eccl.*
dicabant præter plures alios Böhmius,
Stifelius, Methius, Nagelius, Cunra-
dus, Felgenhauerus, Gifftheilus, Sper-
berus, Valentinus Weigelius, & Chri-
stophorus Cotterus: ex his vero tres
fanatismo celebriores impræsentiarum
adducemus, & primo quidem Weige-
lius Zschopæ in Misnia Lutherani Ver-
bi Minister, homo mediocriter literis
tinctus, stolidus tamen, & audax hoc
tempore somnia sua orbi obtrusit, sa-
crisque studiis & philosophiæ gustu im-
maturo abusus, fanatica & putida im-
potentis cerebri somnia divulgavit; id
tamen summopere mirum, quod Luthe-
rani tam impium ac delirum hæreticum
a suo